



15. april 2009

Inatsisartut suleriaasianni § 36, immikkoortoq 1 naapertorlugu matumuuna Ineqarneq Pillugu Maalaartarfimmut tunngatillugu Naalakkersuisunut imaattunik apeqquteqarpunga:

(Inatsisatuni ilaasortaq Olga P. Berthelsen, Inuit Ataqatigiit)

Misissuinera naapertorlugu ukuninnga apeqquteqarniarpunga:

- 1) Naalakkersuisut soqutigaat Ineqarneq Pillugu Maalaartarfimmi suliaqarnerit aalajangiisarnerrillu ersarissassallugit?
- 2) Suliaqarnermut atatillugu kisitsisit takussutissat eqqarsaatigalugit 2008 tikillugu maalaarutit suliarineqartut qassiuneri soormitaavaana hovedkonto 62.30.04-mi ilaanngitsut?
- 3) Naalakkersuisunit qularnaarneqarsinnaava Ineqarneq Pillugu Maalaartarfiup aningaasartutai matussuserniarlugit inissianik attartortitsisunit attartortitamut ataatsimut kr. 100-nik hovedkonto 62.30.04-mi allaqqasut malillugit Naalakkersuisut akiliisitsisarsimanagerat?
- 4) Tamanna pisortatigoortumik akiliisitsineq inissianik attartortitsisut attartortuminnut akiligassanngorlugu ingerlateqqinnikuuat?
- 5) Tamassuma akiliisitsinerup Ineqarneq Pillugu Maalaatarfiup aningaasartutai matussuserpai?
- 6) Tassunga akiliisitsinermut tunngassutilinnik allanik Naalakkersuisut paasissutissaateqarpat?
- 7) Pissusissamisoortutut isigineqarpa akiliutit atorineqanngitsoortut Landskassenut nakkartiinnarneqarpata?
- 8) Naalakkersuisut pissusissamisoortutut isigiinnarpaat Ineqarneq Pillugu Maalaartarfeqarneq inissianik attartortunit akiliisitaasarnikkut akilersorneqarpat?
- 9) 2008-mi Ineqarneq Pillugu Malaartarfimmi alajangiinerit naliginnaasut aalajangiinerilluunniit allat Naalakkersuisunik isumaliortitsippat?
- 10) Ineqarneq Pillugu Maalaartarfiup ilaasortai inissiaqarnermut tunngasunik immikkut ilisimasalittut isigineqarput taamaattumillu Inatsisartut iInatsisaanni maleruagassat malillugit Inatsisartuni ilaasortatut, Naalakkersuisutut il.il.

akissarsiaqartinneqarlutik. Kikkut Ineqarneq Pillugu Maalaartarfimmi ilaasortaanersut suullu toqqammavigalugit ilaasortaanersut Naalakkersuisut paasisitsisinnaappat?

11) Inatsisit malillugit Ineqarneq Pillugu Maalaartarfik ukiut tamaasa ukiumut nalunaarusiortartussaavoq. 2005-miit 2008 tikillugu ukiumut nalunaarutit uannut nassiunneqarsinnaappat?

12) Ineqarneq Pillugu Maalaartarfimmi aalajangikkat, pisortat inaataannik attartortitsisut malitassaar, qanoq isillutik paasissutissanngorlugit attartortitsisunut anngunneqartarpat?

13) Nammineq inissiaatit attartortitat Ineqarneq Pillugu Maalaartarfiup aamma susasaqarfigilernissaai Naalakkersuisut isumaliuutersuutigisimavaat?

Tunngavilersuut:

Ineqarneq pillugu politikki eqqarsaatigalugu soqutigaa Ineqarneq Pillugu Maalaartarfimmut maalaarutit suliarineqarneri paasisaqarfigissallugit. Soqutiginarpoq paasissallugu maalaarutit qanoq annertutigineri, aamma tamatumunnga ilaalluinnarpoq paasissallugu ineqarneq pillugu inatsisit atuisunut atoruminarlutillu paasiuminartuunersut. Aamma pingaaruteqarluinnarpoq maalaarutinik suliaqarnermi aalajangiinerit ilisimasaqarfiginissaat politikikkummi sulineri inatsisit naapertuunnersut nalilersorsinnaasariaqarmata allannngortittariaqarpatalu allannngortillugit. Ineqarneq Pillugu Maalaartarfiup nittartagaa www.maalaarut.gl iserfigalugu paasinarsivoq kingullermik 2007-mili nittartagaq taanna nutarsarneqarsimasoq. Taassuma saniatigut Ineqarneq Pillugu Maalaartarfimmut aningaasaliissutit hovedkonto 62.30.04-miittut misissorpakka.

Apeqqtinnut akissutit ullut suliffiit 14-it apeqquteqarnermiit qaangiutsinnagit uannut anngunneqarsimanissaat piumasaraara.